

RIJEČ GLAVNOG UREDNIKA

Poštovana akademska i stručna zajednica, čitateljice i čitatelji,

Imamo čast i zadovoljstvo predstaviti Vam novi, prvi u 2024. godini, broj časopisa "Uprava", naučnog časopisa za upravu i upravno pravo. Časopis "Uprava" u kontinuitetu od 2010. godine objavljuje naučne i stručne radove i analize iz različitih domena uprave i upravnog prava. U novom broju, koji Vam predstavljamo, objavljeni su sljedeći radovi: DETERMINANTE FINANSIJSKE INKLUZIJE NA ZAPADNOM BALKANU (Đevad Šašić, Adis Ćesić, Almin Bašić); KULTURNA POLITIKA U FUNKCIJI RAZVOJA LOKALNE ZAJEDNICE U BOSNI I HERCEGOVINI (Emir Tahirović, Elmira Sadiković, Ermin Kuka, Đevad Šašić); VAŽNOST ISTRAŽIVANJA I RAZVOJA ZA EKONOMSKI RAST (Merdža Handalić Plahonjić); UPRAVLJANJE SISTEMOM ZAŠTITE ZDRAVLJA I SIGURNOSTI NA RADU U JAVNIM PREDUZEĆIMA PREMA NORMI ISO 45001 (Sinan Letuka).

Teme predstavljaju važan segment u razumijevanju, saznanju i spoznajama koje su od naučnog, ali i šireg društvenog značaja. Tematske cjeline koje su obuhvaćene ovim brojem časopisa predstavljaju kombinaciju različitih pristupa javnoj upravi i svim drugim aspektima koji su u manjoj ili većoj mjeri u vezi s upravom.

U periodu nakon objavljivanja časopisa broj 2/2023, Urednički odbor je radio na daljnjem povećanju vidljivosti časopisa "Uprava" u novim međunarodnim bazama podataka. Tako je u međuvremenu časopis indeksiran i u ASCI Database.

Pored zahvalnosti Uredničkom odboru na tim uspjesima, posebnu zahvalnost upućujemo i svim autorima i saradnicima koji su dali i koji će i dalje davati veliki doprinos u povećanju vidljivosti časopisa.

Zahvaljujemo se, još jednom, našim autorima, čitateljima, redakciji, organima upravljanja Fakulteta za upravu i Univerziteta u Sarajevu, predstavnicima naučnih baza u kojima je časopis indeksiran i svima koji su doprinijeli razvoju časopisa u proteklom godinama.

U ime redakcije časopisa, srdačno Vas pozdravljam i preporučujem ovo izdanje.

Prof. dr. Ermin Kuka,
glavni urednik časopisa